



Publicaziuns dalla vischnaunca, jamna 12

Damondas da baghegiar

2022-1012.000

Datum dalla publicaziun: 25 da mars 2022

Ils patruns: Flurina e Michael Häsch-Missen, Via Cavardiras 3, 7180 Disentis/Mustér
Il representant: Studio UH Architects ETH SIA, Via Sursilvana 18, 7180 Disentis/Mustér
Object: Sanaziun dalla cuschina e restaurant, remplazzament ed engrondaziun dil tetg sur la scala, parcella 888, Via Cavardiras 3, 7180 Disentis/Mustér

2022-1013.000

Datum dalla publicaziun: 25 da mars 2022

Ils patruns: Willi e Letizia Lozza-Tschuor, Via Cavardiras 5, 7180 Disentis/Mustér
Il representant: Studio UH Architects ETH SIA, Via Sursilvana 18, 7180 Disentis/Mustér
Object: Niev plaz da seser cuvretg, parcella 1010, Via Cavardiras 5, 7180 Disentis/Mustér

2022-1014.000

Datum dalla publicaziun: 25 da mars 2022

Ils patruns: Antonio e Margrit Taormina c/o STWEG Parz. 1337, Casa Muraun, Via Sursilvana 18, 7180 Disentis/Mustér
Il representant: huonder bisquolm architects sa, Via da Scola 18, 7180 Disentis/Mustér
Object: Engrondaziun dalla surfatscha da habitar dalla habitaziun el plaun sut il tetg, nova lucarna, parcella 1337, Via Luzzas 3, 7180 Disentis/Mustér

2022-1015.000

Datum dalla publicaziun: 25 da mars 2022

Ils patruns: Admir ed Almedina Jasarevic, Via Soliva 17, 7180 Disentis/Mustér
Il representant: Admir Jasarevic, Via Soliva 17, 7180 Disentis/Mustér
Object: Construcziun nova d'in pool, parcella 3965, Via Soliva 17, 7180 Disentis/Mustér

2022-1016.000

Datum dalla publicaziun: 25 da mars 2022

Ils patruns: Andri ed Esther Hendry-Decurtins, Via Chischliun 12, 7180 Disentis/Mustér
Il representant: Maissen Tarcisi SA, Via Resgias 16, 7166 Trun
Object: Alzament dalla suosta d'autos existenta, parcella 994, Via Chischliun 12, 7180 Disentis/Mustér

2022-1017.000

Datum dalla publicaziun: 25 da mars 2022

Ils patruns: Dzevad ed Admira Jasarevic, Via Acletta 13, 7180 Disentis/Mustér
Il representant: Ignaz Monn, Via Alpsu 44, 7188 Sedrun
Object: Construcziun d'ina casa d'ina famiglia e d'in pool, parcella 3924, Via Cafeni 9, 7180 Disentis/Mustér

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. Las protestas ston esser motivadas e suttascrittas dil recurrent ni da siu representant.

Disentis/Mustér, ils 25 da mars 2022

Uffeci da baghegiar Disentis/Mustér



Annunzias da baghegiar

All'instanza da baghegiar ein sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2022-2017.000

Marco Gadola, Busskirchstrasse 93, 8645 Jona; sanaziun dallas fatschadas e dil tetg, parcella 652, Via Dulezi 3, 7180 Disentis/Mustér.

Nr. 2022-2018.000

StWEG parcella 2288, c/o Corsin e Rita Huonder-Tenner, Via Clavaniev 1, 7180 Disentis/Mustér; replazzament d'ina finiastra, parcella 2288, Via Clavaniev 1, 7180 Disentis/Mustér.

Nr. 2022-2019.000

Artavels Pius Huonder, c/o Eugen Huonder, Via Run 2, 7180 Disentis/Mustér; colurar la fatschadas digl edifeci nr. 186A, parcella 591, Via Alpsu 39, 7180 Disentis/Mustér.

Disentis/Mustér, ils 25-3-2022

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 25 da mars 2022**, allas 20.15 en Sala Fontauna el Center Fontauna.

Tractandas:

1. Protocol 11-2021/2024
2. Revisiun parziala dalla planisaziun locala:
Scursalera Catrina – Plan general d'avertura – Plan da zonas
(messadi 18-2021/2024)
3. Revisiun parziala dalla planisaziun locala:
Punt pendent – Plan general d'avertura
(messadi 19-2021/2024)
4. Lescha davart l'economisaziun dils rufids e regulativ da taxas: Revisiun totala
(messadi 20-2021/2024)
5. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Preavis 22-4-2022

Sera d'orientaziun per la populaziun

Venderdis, ils 22 d'avrel 2022, allas 20.00 ha liug el Center Fontauna (halla da tennis) in'orientaziun publica davart divers impurtonts ed interessant projects che occuoran actualmeïn en nossa vischnaunca.

Aschia vegn la Immo Invest Partner SA ed in representant dalla gruppa Accor che administrescha la cadeina da hotels «Mövenpick» ad orientar la populaziun davart il stan actual ed il plan da termins previu dil project «Hotel Acla da Fontauna».

Plinavon vegn igl investur dallas Pendicularas Mustér, Marcus Weber, ad informar la populaziun sur da lur projects che duein vegnir realisai ils proxims onns en nossa vischnaunca.

E buca sco davos vegn la vischnaunca aunc ad orientar la populaziun davart igl andament dil project d'engrondaziun ed innovaziun Center Fontauna.

La suprastonza communal selegra sin stedia participaziun.
Cordialmeïn envida *Suprastonza communal Mustér*



Referendum facultativ

A caschun da sia seduta dils 18 da fevrer 2022 ha il cussegl da vischnaunca approbau unanimamein in credit da frs. 475 000.– pil concept communal da bike per la realisaziun da sendas da bike.

Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala.

Suprastonza communal

Lenna da brisch

Damondas per lenna da brisch (**pégn ni lenna dira**) ein da far **en scret entochen ils 13 d'avrel 2022** agl uffeci forestal dalla vischnaunca da Mustér, Simon Cathomen, caum postal 57, 7180 Disentis/Mustér ni per e-mail; uaul@disentis.ch. Per plascher indicar il sortiment giavischau (lenna sort ni lenna fendida) ed il quantum. Sin giavisch vegn la lenna era furnida franco a casa.

Lenna sin il tschep vegn mo vendida, sche las premissas pertuccont scolaziun minimala da luvrers d'uaul ein garantidas. La cumpra da lenna sin il tschep sto vegnir reglada en in contract da cumpra.

Uffeci forestal Disentis/Mustér

Datas dallas structuradas agricolas, dumbraziun da biestga/animals (Strukturerhebung 2022)

Niev pils menaschis da hobi

Per l'emprema gada succeda la dumbraziun dils menaschis da hobi entras la registraziun **electronica** dallas datas. La registraziun via internet succeda naven dils **17 entochen ils 31 da mars 2022**.

Ils menaschis da hobi retscheivan cheutras buca pli ils formulars «mellens» per la dumbraziun dils animals ed aschia croda era il termin d'inoltraziun dils documents tier l'administraziun communal.

Tuts menaschis ed elevaturs/possessurs d'animals (era menaschis da hobi) ch'adempleschan las suandontas cundiziuns, ein obligai d'annunziar ils muvels e las surfatschas da terren, independentamein sch'ei vegn retratg contribuziuns ni buca.

a) Surfatschas:

- 1 ha surfatscha utilisabla agricola
- 30 ha cultura speciala
- 10 ha cultivaziun protegida

b) Animals (naven dad in animal):

- armals (tschaffada TVD), alpacas, cauras, pors, nuorsas, cavals, asens, gaglinam – naven da tschun animals;
- aviuls (naven dad in pievel) p.pl. indicar tut ils ualers, era ils vits;
- menaschis da tratga da pèschs.

Adatg!

Menaschis agricols che vegnan sliyai si ni surdai en auters mauns enteifer igl onn 2022 ein obligai d'annunziar quei gia ussa culs formulars corrispundents.

Per damondas ed informaziuns stattan la secretaria dall'administraziun communal Ursina Murer-Fatzer (081 920 36 30 ni umurer@disentis.ch) ni era il genau cumpetent Clemens Berther (079 619 11 05 ni cultivaziun@disentis.ch) bugen a Vossa disposiziun. Ulteriuras informaziuns e formulars anfleis Vus sin la pagina d'internet dil Cantun: www.alg.gr.ch > Dienstleistungen > Landwirtschaft > Strukturerhebung.



Exposiziun publica dal project da vias cun dumonda da runcar

H19 Via Sursilvana

Correcziun da la via Punt Russein–Val Lumpegna

km 48,21 – km 49,20

Project d'exposiziun nr. 19.5141 dal mars 2022

1. Lieu e durada da l'exposiziun

Las actas dal project e la dumonda da runcar èn exponidas dals 28 da mars 2022 fin ils 26 d'avrigl 2022 tar l'administraziun communal, vischnanca da Mustér, per prender invista (art. 20 da la Lescha chantunala davart las vias, LVias; DG 807.100). Durant il temp d'exposiziun pon ils documents er vegnir consultads e chargiads giu sut www.tiefbauamt.gr.ch > Rumantsch > Actualitads. La nova axa da la via (mellen) e las lingias da construcziun (blau) èn stajadas respectivamain marcadas en la cuntrada.

2. Dumondas per permissiuns spezialas

Las suandantas dumondas èn parts dal project d'exposiziun:

- dumonda da permissiun per inducir aua persa betg smerdada en in'aua da surfatscha tenor l'art. 7 al. 2 da la Lescha federala davart la protecziun da las auas
- dumonda da runcar tenor l'art. 5 da la Lescha federala davart il guaud
- dumonda da permissiun per utilisaziuns dischavantagiusas en il guaud tenor l'art. 16 al. 2 da la Lescha federala davart il guaud

3. Restricziun dal dretg da disponer

A partir dal di che l'exposiziun è vegnida publitgada uffizialmain, dovran ils projects da construcziun entaifer il territori ch'è cumpiglià dal project ina permissiun dal Departament d'infrastructura, energia e mobilitad dal Grischun. Questa permissiun vegn concedida, sch'il project da construcziun n'ha naginas consequenzas engrevgiantas per acquistar il terren u per realisar il project.

4. Protestas

4.1 Legitimaziun

Tgi ch'è pertutgà dal project d'exposiziun e po far valair in interess degn da protecziun per abolir u per midar quel, ha il dretg da far protesta. Il dretg da far protesta han plinavant las vischnancas pertutgadas e tgi ch'è autorisà tras il dretg federal da far quai.

4.2 Objecziuns

Vegnir fatgas valair pon:

- a) objecziuns cunter il project d'exposiziun e cunter las dumondas per ulteriuras permissiuns ch'èn colliadas cun quel sco er cunter in'expropriaziun previsa e cunter sia dimensiun;
- b) dumondas d'indemnisaziun, en spezial pretensiuns per ils dretgs che vegnan fatgs valair ed autras pretensiuns che resultan dal dretg chantunal d'expropriaziun. Questas dumondas vegnan rectificadas suenter l'approvaziun dal project en la procedura per l'acquist da terren.

4.3 Termin ed adressat

Protestas ston vegnir inoltradas entaifer il temp d'exposiziun cun ina curta motivaziun al Departament d'infrastructura, energia e mobilitad dal Grischun, Ringstrasse 10, 7001 Cuira.

Sche pretensiuns d'indemnisaziun vegnan fatgas valair posteriuramain, ston vegnir observadas las consequenzas da la negligentscha tenor l'art. 17 da l'Ordinaziun chantunala d'expropriaziun (OExp; DG 803.110).

Cuira, 23 da mars 2022

Departament d'infrastructura, energia e mobilitad dal Grischun

Il schef: dr. Mario Cavigelli, cusseglier guvernativ



Agricultura – Sera d'informaziun

Preziadas convischinas, preziai convischins

Bugen envidein nus Vus ad ina sera informativa en connex cul concept da qualitat dalla cuntrada e separaziun d'uaul e dalla pastira sco era davart damondas che sedattan enviers l'agricultura ed il turissem, **gliendisdis, ils 4 d'avrel 2022, allas 20.15 el Center sursilvan d'agricultura a Salaplauna.**

Nus vegnin a tematisar las sfidas en connex cun tgauns da protecziun e muntaneras agl ur da vias, sendas e trutgs da viandar. Tgei mesiras san ins prender per meglierar la situaziun denter viandonts e tgauns da protecziun. Plinavon retscheveys Vus investa en fatgs davart la protecziun da nies uaul sco era informaziun davart la nova lescha pil manteniment dallas ovras da meglieraziun.

Nus selegrein sin in bien decuors dalla sera.
Departament d'agricultura, gerau Clemens Berther

Controlla da habitonts

Naschientscha

Jan Flurin Lindenberg, naschius ils 9 da mars 2022, fegl da Julia Lindenberg e Christian Gisler

Mortoris

Monica (Mengia) Steger-Columberg, naschida ils 5 da zercladur 1921, morta ils 15 da mars 2022

Rosa Duff-Capaul, naschida ils 10 d'uost 1935, morta ils 17 da mars 2022

Clotilda Tenner, naschida ils 12 da schaner 1929, morta ils 20 da mars 2022

Uniun da dunnas Disentis/Mustér

Fiera da resti d'affons cun stiva da caffè

Stiva da caffè cun buffet da pettas. Nus prendein encunter bien, schuber ed entir resti da stad tochen grondezia 176, vestgadira da gravidonza, termagls, calzars, sezs d'autos e da meisa, crotschas, velos, capellinas eav. Dunnas che drovan ina nova numera ni han damondas san contactar Isabel Sac, tel. 076 501 76 51.

Dar giu resti: venderdis, ils 25 da mars 2022, dallas 16.30 entochen allas 17.00 en halla Cons, Mustér.
Adatg: per plascher mintga grondezia da resti separau en ina tastga!

Vendita: venderdis, ils 25 da mars 2022, dallas 19.00 entochen allas 21.00 e **sonda, ils 26 da mars 2022,** dallas 9.00 entochen allas 10.30 en halla Cons, Mustér. **Retuorn dil resti buca vendiu e pagament (minus 20%): sonda, ils 26 da mars 2022,** dallas 12.30 entochen allas 12.45. Per uorden che maunca savein nus surpender negina responsablada. Vegni e mirei, e forsa veis aunc gust da star in mument da cumpignia en nossa stiva da caffè!

Kinderkleiderbörse mit Kaffeestube

Kaffeestube mit Kuchenbuffet. Wir nehmen gut erhaltene, saubere und ganze Sommerkleider bis Grösse 176 ntgegen, Schwangerschaftskleider sowie Spielsachen, Schuhe, Auto- und Tischsitze, Kinderwagen, Velos, Helme usw. Frauen, die eine Nummer brauchen oder Fragen haben, können mit Isabel Sac, 076 501 76 51, Kontakt aufnehmen.

Annahme: Freitag, 25. März 2022, von 16.30 bis 17.00 Uhr in der Turnhalle Cons, Disentis.

Achtung: Bitte jede Kleidergrösse separat in eine Tasche!

Verkauf: Freitag, 25. März 2022, von 19.00 bis 21.00 Uhr und **Samstag, 26. März 2022,** von 9.00 bis 10.30 Uhr in der Turnhalle Cons, Disentis. **Auszahlung (abzüglich 20%) und Rückgabe: Samstag, 26. März 2022,** von 12.30 bis 12.45 Uhr. Für fehlende Sachen können wir keine Haftung übernehmen. Kommt und schaut und vielleicht bleibt danach noch ein wenig Zeit für unsere Kaffeestube!



Nus selegrein sin vossa viseta
*Uniun da dunnas Disentis/Mustér,
gruppa d'organisaziun fiera da resti*

Cuors da cuorer per dunnas cun Ruedi Frehner («Ruedi rennt»)

- Cuorer lev
- Cuorer senza blessuras
- Analisa e tecnica da cuorer
- Per entschevidras ed avanzadas
- quater gadas 1½ ura
- Liug: Mustér
- Datums provisorics: **23-4-2022**
30-4-2022
7-5-2022
13-5-2022
21-5-2022
Mintgamai dallas 16.00–17.30
- L'occurrentza cuosta.

Contact per annunzias e damondas (era pertuccont ils termins) ei Sandra Deflorin, 076 381 26 27 **entochen ils 31-3-2022**

Laufkurs für Frauen mit Ruedi Frehner («Ruedi rennt»)

- Leichtes Laufen
- Verletzungsfreies Laufen
- Laufanalyse und -technik
- Für Einsteigerinnen und Fortgeschrittene
- vier Mal 1½ Stunden
- Ort: Disentis
- Provisorische Daten: **23.4.2022**
30.4.2022
7.5.2022
13.5.2022
21.5.2022
Jeweils von 16.00-17.30 Uhr
- Der Kurs ist kostenpflichtig.

Kontakt für Anmeldungen oder Fragen (auch betreffend Daten) bei Sandra Deflorin, 076 381 26 27, **bis 31.3.2022**

Corporaziun da dretgs d'alp Nalps e Tegia miez

Radunonza generala, mardis, ils 29-3-2022, allas 20.00 en l'ustria «Cresta», Segnas

Tractandas ordinarias supplementaras:

6. Adattaziun contracts cun l'Armada svizra pertuccont piazza da sittar
7. Niev contract cun la KVR AG pertuccont il manteniment dalla via Cuolm Nalps–Serengia

Investa els novs contracts sa vegnir priu ordavon tier il president Armin Berther, 079 609 48 25.

Suenter la radunonza dat ei in sempel puschegn.

Cordialmein envida
la suprastonza



Biblioteca populara Disentis/Mustér e contuorn – BiblioWeekend

Dapertut en Svizra arvan las bibliotecas questa fin d'jamna lur portas. Nus naturalmein era!

Sonda, ils 26-3-2022, ei la biblioteca aviarta naven dallas 13.00–17.00. Sin Vus spetga in variont program cun kino da cudischs da maletgs, historias per affons pigns, kino per affons da scola ed ina ni l'autra sorpresa.

Il program detagliau anfleis Vus sut www.biblioteca-disentis.ch.

Cordialmein envida
il team dalla biblioteca

Club da tennis Disentis/Mustér

Radunonza generala, venderdis, igl 1. d'avrel 2022, allas 20.00 el hotel «Alpsu», Mustér

Tractandas:

1. Beinvegni
2. Elecziun dumbravuschs
3. Protocol dalla radunonza generala dils 24 da zercladur 2021
4. Rapports – President – Interclub – Meinaturnier – Juniors
5. Quen 2021 e rapport dils revisurs
6. Contribuziuns annualas
7. Budget 2022
8. Elecziuns – Cassier(a) – Revisur(a) da quen
9. Program da stad
10. Center Fontauna
11. Varia

A stedia participaziun envida
la suprastonza

Invitaziun Seniors-Ca

Gievgia, ils 31 da mars 2022, allas 13.30–16.00 en Puntreis. Tema: posts pratics e presentaziun dil menaschi. Il cantun Grischun arva naven **dils 30 da mars tochen ils 6 d'avrel 2022** las portas dallas casas da tgira. Aschia separticipeschan 27 casas da tgira dil Grischun a quella acziun. Spel program official arva Puntreis las portas extra per Seniors-Ca – pia pils seniors/senioras – quei cun ina purschida adattada. 13.30 visitar la cuschina e gidar da far il dessert per la meisa da miezdi. 14.00–16.00 pusseivladad da veser ed exequir activamein a differents posts pratics, prender investa dalla casa naven dil tschaler entochen sut il tetg. Prende la caschun. Vegni e mirei!

Team Seniors-Ca

Meisa da miezdi organisada da Seniors-Ca e Puntreis

Entschatta: allas 12.15 ella Puntreis

Gentar cun treis tratgas inclusiv aua dalla spina ed in caffè cun niev prezi. Annunzia entochen allas 9.00 dil di alla Puntreis (tel. 081 929 56 56). La meisa da miezdi ei aviarta per mintgin/a.

Post d'informaziun Seniors-Ca



Alp Cristallina

Cordiala invitaziun tier nossa radunonza generala da proprietaris da dretgs d'alp che ha liug **venderdis, ils 25 da mars 2022** allas 20.15 ell'ustria «Cresta» a Segnas. Sco usitau vegn purschiu ina tscheina a tuts presents. Propostas san vegnir inoltradas a scret al president Anselm Sialm tochen ils 23 da mars 2022.

Sin stedia participaziun selegra
la suprastonza
